

5 BURELA METAL

Ova zvijezda je u znaku metala. Metal u sebi sadrži osobine neba i savršenstva. Metal ove zvijezde nije metal u čistome stanju, već metal u obliku rude. Ljudi rođeni u ovome znaku često su najstariji sinovi, očevi velikih porodica, predvodnici velikih grupa. Njihovo osjećanje neovisnosti veoma je snažno, a pravednost je njihovo osnovno osjećanje. Dosljedni su i ozbiljno shvaćaju život, a okolina im vjeruje i cijeni ih. Ovakvi ljudi nisu sposobni za trgovinu i za sve što je u vezi sa razmjenom robe i novca. Iako cijenjeni, u društvu nisu naročito vični odnosima sa ljudima i nisu mnogo društveni. Ponosni su i ne podliježu lako utjecajima drugih. Teško se prilagođavaju. Cijeloga života su aktivni i imaju uspjeha u životu, ako ih sredina dobro prihvati. Prava sreća ih nikada ne čeka rano, već stiže do njih tek u zrelim godinama.

